

Zbirka medijskih objava

VladaBrckoDistrikta_kliping_dnevno,
za razdoblje 3. 4. 2020

Broj objava: 16

Internet: 6

Televizija: 4

Štampa: 6

Teme praćenja:

Vlada Brčko Distrikta: 5

Gradonačelnik: 2

Skupština Brčko: 0

Brčko: 12

Vlada Brčko Distrikta:

Televizija	Naslov	Brčko Distrikt: Produženje izolacije		
Serijski br. 1	Medij; Doseg	Face TV; , Bosna i Hercegovina	18:45	Trajanje: 3 min
	Rubrika, Datum	Vjestnik; 2. 4. 2020		
Stranica u zbirci: 6	Autor	Salihović Admir		
	Teme	Vlada Brčko Distrikta , Brčko		

Internet	Naslov	Brčko daje šest miliona maraka za martovsku platu		
Serijski br. 2	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 2. 4. 2020		
Stranica u zbirci: 10	Autor	Unknown		
	Teme	Vlada Brčko Distrikta		

Televizija	Naslov	16 osoba preminulo u BiH od posljedica korone		
Serijski br. 3	Medij; Doseg	Radio televizija BN; , Bosna i Hercegovina	19:30	Trajanje: 8 min
	Rubrika, Datum	Dnevnik; 2. 4. 2020		
Stranica u zbirci: 11	Autor	Unknown		
	Teme	Vlada Brčko Distrikta		

Štampa	Naslov	BRČKO		
Serijski br. 4	Medij; Doseg	Dnevni list; , Bosna i Hercegovina	Stranica: 3	Površina: 15 cm ²
	Rubrika, Datum	Oglas; 3. 4. 2020		
Stranica u zbirci: 12	Autor	Fena		
	Teme	Vlada Brčko Distrikta , Brčko		

Štampa	Naslov	Blokiran zaselak jer su mještani bili u kontaktu sa zaraženim		
Serijski br. 5	Medij; Doseg	Nezavisne novine; , Bosna i Hercegovina	Stranica: 6	Površina: 36 cm ²
	Rubrika, Datum	Događaji; 3. 4. 2020		
Stranica u zbirci: 13	Autor	Srna		
	Teme	Vlada Brčko Distrikta , Brčko		

Gradonačelnik Brčko Distrikta:

Internet	Naslov	TAKSISTI ZAHTIJEVAJU IZRICANJE MJERE ZABRANE RADA TAXI SLUŽBE U BRČKO DISTRIKTU BIH		
Serijski br. 1	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 2. 4. 2020		
Stranica u zbirci: 14	Autor	Unknown		
	Teme	Gradonačelnik Brčko Distrikta		

Internet	Naslov	Saopćenje za javnost Policije Brčko distrikta		
Serijski br. 2	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 2. 4. 2020		
Stranica u zbirci: 15	Autor	Unknown		
	Teme	Gradonačelnik Brčko Distrikta		

Brčko:

Televizija	Naslov	Brčko Distrikt: Produženje izolacije		
Serijski br. 1	Medij; Doseg	Face TV; , Bosna i Hercegovina	18:45	Trajanje: 3 min
	Rubrika, Datum	Vjestnik; 2. 4. 2020		
Stranica u zbirci: 16	Autor	Salihović Admir		
	Teme	Vlada Brčko Distrikta , Brčko		

Televizija	Naslov	Blokiran zaselak nadomak Brčkog		
Serijski br. 2	Medij; Doseg	Radio televizija BN; , Bosna i Hercegovina	18:00	Trajanje: 2 min
	Rubrika, Datum	Danas u Srpskoj; 2. 4. 2020		
Stranica u zbirci: 17	Autor	Minić Mirjana		
	Teme	Brčko		

Televizija	Naslov	U Brčkom nema porasta broja zaraženih osoba		
Serijski br. 3	Medij; Doseg	Radio televizija Republike Srpske; , Bosna i Hercegovina	17:00	Trajanje: 1 min
	Rubrika, Datum	Srpska danas; 2. 4. 2020		
Stranica u zbirci: 18	Autor	Unknown		
	Teme	Brčko		

Internet	Naslov	Od 442 testirana uzorka u BiH potvrđeno 10 novih slučajeva koronavirusa		
Serijski br. 4	Medij; Doseg	Klix.ba; 1.110, Bosna i Hercegovina		
	Rubrika, Datum	Ostalo; 3. 4. 2020		
Stranica u zbirci: 20	Autor	S. H.		
	Teme	Brčko		

Internet	Naslov	Potvrđeno još devet pozitivnih na koronavirus u Hercegovini i srednjoj Bosni		
Serijski br. 5	Medij; Doseg	Klix.ba; 1.110, Bosna i Hercegovina		
	Rubrika, Datum	Ostalo; 3. 4. 2020		
Stranica u zbirci: 21	Autor	S. H.		
	Teme	Brčko		

Internet	Naslov	Desetočlana grupa optužena za krijumčarenje najmanje 141 ilegalnog migranta u BiH		
Serijski br. 6	Medij; Doseg	Klix.ba; 1.110, Bosna i Hercegovina		
	Rubrika, Datum	Ostalo; 3. 4. 2020		
Stranica u zbirci: 22	Autor	D. ŽP.		
	Teme	Brčko		

Štampa	Naslov	KRIZA ĆE BITI DUBOKA I OŠTRA		
Serijski br. 7	Medij; Doseg	Banke; , Bosna i Hercegovina	Stranica: 16	Površina: 2.020 cm ²
	Rubrika, Datum	Ostalo; 3. 4. 2020		
Stranica u zbirci: 27	Autor	Ruždija Adžović		
	Teme	Brčko		

Štampa	Naslov	BRČKO		
Serijski br. 8	Medij; Doseg	Dnevni list; , Bosna i Hercegovina	Stranica: 3	Površina: 15 cm ²
	Rubrika, Datum	Oglas; 3. 4. 2020		
Stranica u zbirci: 28	Autor	Fena		
	Teme	Vlada Brčko Distrikta , Brčko		









Štampa	Naslov	MASKE I VIZIRI OTELI POSAO ROBOTSKE RUCI		
Serijski br. 9	Medij; Doseg	Euro Blic; , Bosna i Hercegovina	Stranica: 24	Površina: 408 cm ²
	Rubrika, Datum	Regioni; 3. 4. 2020		
Stranica u zbirci: 29	Autor	Kovačević Cvijeta		
	Teme	Brčko		

Štampa	Naslov	Blokiran zaselak jer su mještani bili u kontaktu sa zaraženim		
Serijski br. 10	Medij; Doseg	Nezavisne novine; , Bosna i Hercegovina	Stranica: 6	Površina: 36 cm ²
	Rubrika, Datum	Događaji; 3. 4. 2020		
Stranica u zbirci: 30	Autor	Srna		
	Teme	Vlada Brčko Distrikta , Brčko		

Štampa	Naslov	U BiH KRAJEM FEBRUARA BILO 402.888 NEZAPOSLENIH		
Serijski br. 11	Medij; Doseg	Nezavisne novine; , Bosna i Hercegovina	Stranica: 13	Površina: 76 cm ²
	Rubrika, Datum	Ekonomija; 3. 4. 2020		
Stranica u zbirci: 31	Autor	Fena		
	Teme	Brčko		

Štampa	Naslov	U BiH krajem februara 402.888 registrovanih nezaposlenih osoba		
Serijski br. 12	Medij; Doseg	Poslovne novosti; , Bosna i Hercegovina	Stranica: 9	Površina: 119 cm ²
	Rubrika, Datum	Poslovne novosti; 3. 4. 2020		
Stranica u zbirci: 32	Autor	Unknown		
	Teme	Brčko		

Brčko Distrikt: Produženje izolacije



Brčko daje šest miliona maraka za martovsku platu

četvrtak, 02 april 2020 22:14

Autor SrpskaInfo

Kategorija: Vijesti Brčko < <https://www.ebrcko.net/vijesti/vijesti-brcko> >



Vlada Brčko distrikta odlučila je na vanrednoj sjednici da pomogne privredi kako bi lakše podnijela situaciju nastalu usljed pandemije izazvane virusom korona.

Pravnim licima i preduzetnicima čiji je rad zabranjen, kako bi se spriječilo širenje virusa, biće refundirana isplata minimalne bruto plate.

– To je neto plata od 520 KM sa pripadajućim porezima i doprinosima za mjesec mart – rekao je Siniša Milić, **gradonačelnik Brčko distrikta**.

Ko ima pravo

Milić je pojasnio da pravo na ovu subvenciju imaju preduzetnici i pravna lica čije je sjedište u **Brčko** distriktu gdje su registrovani i gdje obavljaju delatnost kojima je, na osnovu odluka Kriznog štaba i **Vlade Brčko distrikta**, zabranjen rad ili su zbog prirode svog posla i povezanosti sa firmama kojima je rad zabranjen bili spriječeni u obavljanju svog rada.

Pravo na ovu subvenciju imaju i pravni subjekti koji su na osnovu drugih odluka nadležnih institucija bili spriječeni u obavljanju svojih djelatnosti.

Prema Vladinoj odluci, pravo na subvenciju poreza i doprinosa za isplaćene plate za mart u iznosu od 30 odsto imaju i sva ostala preduzeća, preduzetnici i poslovne jedinice sa područja **Brčko** distrikta, osim javnih preduzeća, ustanova, banaka i udruženja koja su registrovana u skladu sa Zakonom o udruženjima i fondacijama i Zakonom o mjesnim zajednicama u **Brčko** distriktu BiH.

Ko ne može da računa na pomoć

Na ovu vrstu pomoći neće moći računati preduzeća, preduzetnici i poslovne jedinice koje su u martu otkazale ugovor o radu najmanje jednom radniku, kao ni oni koji nisu platili poreze i doprinose na plate isplaćene za 2020. godine.

Gradonačelnik Milić je rekao da je riječ o značajnoj mjeri, dodajući da su među prvima u BiH donijeli konkretne mjere za pomoć privredi.

– Ovo je prioritetna i urgentna mjera koju smo donijeli kao vid podrške privredi. Naše su procjene da će izdvajanja po ovom osnovu za ovaj jedan mjesec iznositi oko šest miliona maraka – rekao je gradonačelnik Milić.

Dodatne mjere

Dodao je da će Vlada nastaviti da prati stanje i da će kroz druge mjere koje će razmatrati pomoći privredi.

– Poljoprivredu nećemo zanemariti i najvjerovatnije ćemo insistirati na tome da se promptno isplate podsticaji, koji inače kasne, kako bi poljoprivrednici mogli raditi – istakao je Milić.

Naveo je da će Vlada razmatrati i mjere pomoći građanima, ljudima na evidenciji Zavoda za zapošljavanje i penzionerima.

– U budžetu imamo obezbijeđena sredstva za jednokratnu novčanu pomoć penzionerima. Ona su se do sada isplaćivala krajem godine. Animirali smo naše Odjeljenje za zdravstvo i ostale usluge da pripremaju taj program, da bismo u ovom vremenu izvršili isplatu jednokratne novčane pomoći, jer smo sigurni da će ona penzionerima više značiti danas nego u oktobru – istakao je Milić.

Dodao je da sa udruženjima banaka razgovaraju o načinu isplata penzija i da su predložili da banke u određene dane i u određenim terminima rade samo za penzionere, kako bi mogli da podignu svoje penzije.

Skoro trećina radnika ugrožena

Na ovu vrstu pomoći neće moći računati preduzeća, preduzetnici i poslovne jedinice koje su u martu otkazale ugovor o radu najmanje jednom radniku, kao ni oni koji nisu platili poreze i doprinose na plate isplaćene januar 2020. godine.

Prema procjeni Odjeljenja za privredu preduzetim mjerama zabrane rada radi sprečavanja širenja virusa korona u **Brčko** distriktu direktno je ugroženo 5.700 radnih mjesta ili 31,8 ukupno zaposlenih radnika.

(SrpskaInfo)

TAKSISTI ZAHTIJEVAJU IZRICANJE MJERE ZABRANE RADA TAXI SLUŽBE U **BRČKO** DISTRIKTU BIH




Udruženje „MOJ TAXI“, Brka i udruženje "HIT TAXI" Donji Brezik su zbog pandemije korona virusa uputili zahtjev Kriznom štabu **Brčko** distrikta BiH i komandantu Kriznog štaba gradonačelniku Miliću za obustavu rada taksista na području **Brčko** distrikta BiH dok traje vanredna situacija. Naime, taksisti su izrazili zabrinutost zbog trenutne situacije navodeći da su ugroženi i po ekonomskoj i epidemiološkoj osnovi i da niti mogu zabraniti korištenje taksi usluga, niti trijažirati potencijalno zaraženu taksi klijentelu. U ekonomskom smislu, zbog pada prometa usluga, nisu u mogućnosti da pokriju sve troškove koje ova djelatnost iziskuje.


Blokiran zaselak nadomak **Brčkog**



16 osoba preminulo u BiH od posljedica korone



U Brčkom nema porasta broja zaraženih osoba



Saopćenje za javnost Policije **Brčko** distrikta

Na osnovu zakonskih ovlasti u dijelu koji se odnosi na zaštitu i spašavanje ljudi i materijalnih dobara od prirodnih i drugih nesreća, te zbog pojave i širenja epidemije zarazne bolesti COVID-19 (koronavirus), komandant Štaba za zaštitu i spašavanje i **gradonačelnik Brčko distrikta** BiH Siniša Milić je na prijedlog šefa Policije **Brčko** distrikta BiH Gorana Pisića i Pododjela za javno zdravstvo, donio Naredbu o blokadi i izolaciji gornjeg dijela zaseoka Peškiri, selo Gornji Zovik, **Brčko** distrikt BiH.

Ovom Naredbom se Policiji **Brčko** distrikta BiH nalaže da preduzme sve potrebne radnje da se izvrši blokada i izolacija gornjeg dijela zaseoka Peškiri, zbog potvrđene sumnje da je sa mještanima ovog dijela zaseoka bila u kontaktu osoba zaražena korona virusom (COVID-19), a s ciljem sprečavanja širenja, odnosno prenošenja korona virusa na ostali dio mještana zaseoka Peškiri i sela Gornji Zovik, te susjednog sela Velino selo u Opštini Čelić.

Policija **Brčko** distrikta BiH u skladu sa Naredbom i svojim ovlastima, te u saradnji sa Odjelom za javnu sigurnost **Vlade Brčko distrikta** BiH, Crvenim krstom/križom **Brčko** distrikta BiH, je dana 01.04.2020. godine u večernjim satima izvršila blokadu navedenog lokaliteta kojom prilikom je ostvaren visok nivo saradnje sa predsjednikom Mjesne zajednice i mještanima blokiranog područja, te preduzima sve neophodne radnje.

Policija **Brčko** distrikta BiH se zahvaljuje lokalnom stanovništvu na iskazanoj saradnji prilikom provođenja mjera blokade, te će zajedno sa svim nadležnim odjelima Vlade i Crvenim krstom/križom **Brčko** distrikta BiH, obezbijediti da se život stanovnika u blokadi odvija u skladu sa njihovim potrebama.

Šef Policije Brčko distrikta BiH
Goran Pisić



Od 442 testirana uzorka u BiH potvrđeno 10 novih slučajeva koronavirusa

Prema posljednjim informacijama nakon testiranja 442 uzorka na dva velika klinička centra u Sarajevu i Banjoj Luci ukupno je potvrđeno 10 novih slučajeva koronavirusa.

Prema posljednjim informacijama nakon testiranja 442 uzorka na dva velika klinička centra u Sarajevu i Banjoj Luci ukupno je potvrđeno 10 novih slučajeva koronavirusa.

Ministar zdravstva Republike Srpske Alen Šeranić jutros je saopćio rezultate testiranja na koronavirus u posljednja 24 sata u tom entitetu. Od 343 testirana uzorka u RS-u sedam je pozitivnih i to dva u Bijeljini i po jedan u Banjoj Luci, Mrkonjić Gradu, Kotor Varoši, Istočnoj Ilidži i Tesliću. Radi se o tri žene i četiri muškarca.

Također potvrđeno je da je zaražena još jedna doktorica na UKC Banja Luka, a riječ je o vanjskom kontaktu. Ukupno je u tom entitetu zaraženo 13 zdravstvenih radnika.


S ovim podacima u entitetu Republika Srpska je ukupno 274 zaraženih koronavirusom, s tim da se oporavila 21 osoba, a pet ih je preminulo. U RS-u je od početka pandemije testirano ukupno 2.320 uzoraka.

Na Kliničkom centru Univerziteta u Sarajevu tokom noći su testirana 33 uzorka zaposlenih na KCUS-u, od čega je pozitivan jedan administrativni radnik. Potom je testirano još 66 uzoraka iz Sarajeva, Tešnja, Zavidovića, Vogošće, Ilidže, Goražda i Kaknja. Od toga su dva uzorka pozitivna i to iz Sarajeva (Novi Grad) te Tešnja, gdje je riječ o 53-godišnjem muškarcu, suprugu žene koja je ranije smještena u izolatorij.

U BiH je do sada najviše zaraženih u Banjoj Luci i to 172, dok u ostalim gradovima u našoj zemlji taj broj još uvijek ne prelazi 30.

Broj zaraženih po bh. gradovima i općinama:

Banja Luka - 172, Čitluk - 28, Tuzla - 28, Konjic - 27, Mostar - 24, Široki Brijeg - 23, Sarajevo - 19, Laktaši - 19, Zenica - 15, Srebrenik - 13, Bosanska Gradiška - 11, Ilidža - 11, Bihać - 11, Bijeljina - 11, Kozarska Dubica - 8, Teslić - 8, Cazin - 7, **Brčko** - 7, Vitez - 6, Kotor Varoš - 6, Goražde - 6, Jablanica - 5, Knežev - 5, Prnjavor - 5, Grude - 5, Zavidovići - 4, Posušje - 4, Čelinac - 3, Modriča - 3, Kakanj - 3, Tešanj - 3, Prijedor - 3, Ribnik - 3, Istočna Ilidža - 3, Mrkonjić Grad - 2, Gornji Vakuf - Uskoplje - 2, Novi Travnik - 2, Orašje - 2, Šipovo - 2, Lukavac - 2, Bosanski Brod - 2, Bosanska Krupa - 2, Žepče - 2, Pale - 2, Doboj - 1, Derventa - 1, Vogošća - 1, Ilijaš - 1, Breza - 1, Gračanica - 1, Hadžići - 1, Visoko - 1, Milići - 1, Srbac - 1, Zvornik - 1, Šekovići - 1, Živinice - 1, Velika Kladuša - 1.



Potvrđeno još devet pozitivnih na koronavirus u Hercegovini i srednjoj Bosni

Na Kliničkom centru Univerziteta u Sarajevu jutros su urađena testiranja još 22 uzorka te je potvrđeno sedam novih slučajeva koronavirusa.

Na Kliničkom centru Univerziteta u Sarajevu jutros su urađena testiranja još 22 uzorka te je potvrđeno sedam novih slučajeva koronavirusa.

Najviše pozitivnih je iz Gornjeg Vakufa i to četiri te po jedan pozitivni uzorak iz Bugojna, Zavidovića i Novog Travnika.

Također, potvrđena su i dva nova pozitivna slučaja u Hercegovini. Sinoć su u Sveučilišnoj kliničkoj bolnici Mostar na COVID-19 testirana 24 uzorka, od kojih su dva pozitivna iz Hercegovačko-neretvanskog kantona i to u Jablanici jedan te Čitluku jedan.

U BiH su s ovim bilansom do sada zaražene 552 osobe, oporavljeno ih je 27, a preminulo 17.

Broj zaraženih po bh. gradovima i općinama:

Banja Luka - 172, Čitluk - 29, Tuzla - 28, Konjic - 27, Mostar - 24, Široki Brijeg - 23, Sarajevo - 19, Laktaši - 19, Zenica - 15, Srebrenik - 13, Bosanska Gradiška - 11, Ilidža - 11, Bihać - 11, Bijeljina - 11, Kozarska Dubica - 8, Teslić - 8, Cazin - 7, **Brčko** - 7, Gornji Vakuf - Uskoplje - 6, Jablanica - 6, Vitez - 6, Kotor Varoš - 6, Goražde - 6, Kneževo - 5, Prnjavor - 5, Zavidovići - 5, Grude - 5, Posušje - 4, Čelinac - 3, Modriča - 3, Novi Travnik - 3, Kakanj - 3, Tešanj - 3, Prijedor - 3, Ribnik - 3, Istočna Ilidža - 3, Mrkonjić Grad - 2, Orašje - 2, Šipovo - 2, Lukavac - 2, Bosanski Brod - 2, Bosanska Krupa - 2, Žepče - 2, Pale - 2, Doboj - 1, Derventa - 1, Vogošća - 1, Ilijaš - 1, Breza - 1, Gračanica - 1, Hadžići - 1, Visoko - 1, Milići - 1, Bugojno - 1, Srbac - 1, Zvornik - 1, Šekovići - 1, Živinice - 1, Velika Kladuša - 1.

Kada ste vani obavezni ste nositi masku, dok se nošenje rukavica preporučuje. Izbjegavajte nezaštićeni seks s osobama čiji je status nepoznat. Više detalja o načinu ponašanja pročitajte [ovdje](#).



Desetočlana grupa optužena za krijumčarenje najmanje 141 ilegalnog migranta u BiH

U međunarodnoj regionalnoj operaciji tužilaštvo i agencije za provođenje zakona iz BiH, Srbije i Hrvatske, zajedničkom saradnjom otkrile su organiziranu skupinu za krijumčarenje migranata. Optuženi se terete za krijumčarenje najmanje 141 ilegalnog migranta.

U međunarodnoj regionalnoj operaciji tužilaštvo i agencije za provođenje zakona iz BiH, Srbije i Hrvatske, zajedničkom saradnjom otkrile su organiziranu skupinu za krijumčarenje migranata. Optuženi se terete za krijumčarenje najmanje 141 ilegalnog migranta.

Tužilac iz Posebnog odjela za organizirani kriminal, gospodarski kriminal i korupciju podigao je optužnicu protiv Nenada Mirkovića (39) iz Bijeljine, Nikole Simića (26) iz Bijeljine, Dražena Vićanovića (25) iz Bijeljine, Milana Petrovića (25) iz Bijeljine, Ognjena Vidakovića (25) iz Loznice, Marjana Vilotića (29) iz Bijeljine, Nikole Kokanovića (21) iz Bijeljine, Mirka Bjelovića (23) iz **Brčkog**, Đorđa Puzigaće (28) iz Mrkonjić Grada i Anđela Tešića (24) iz **Brčkog** Anđela.

Optuženi se terete da su, u prvoj polovini 2019. godine, nakon što je optuženi Mirković organizirao grupu ljudi radi izvršenja krivičnog djela krijumčarenja osoba, pristupili grupi i zajedničkim djelovanjem, s više osoba sa područja BiH, Srbije i Hrvatske, radi sticanja nezakonite imovinske koristi, vršili organizirano krijumčarenje ilegalnih migranata, uglavnom državljana Irana, Bangladeša, Pakistana, Maroka, Afganistana, Sirije, Indije i drugih zemalja, preko teritorije BiH.

A sve s ciljem njihovog nezakonitog transporta prema zemljama EU, postupajući protivno članku 6. Protokola protiv krijumčarenja migranata kopnenim, morskim i zračnim putem, kojim se dopunjuje Konvencija UN-a protiv transnacionalnog organiziranog kriminala.

U optužnici se navodi da su optuženi, vršili krijumčarenje migranata s područja Srbije u BiH, zatim njihov smještaj i daljnji ilegalni transport preko teritorije BiH, s ciljem daljnjeg ilegalnog prebacivanja na područje Hrvatske i dalje prema zemljama EU.



Koronavirus, noćna mora za domaću ekonomiju

KRIZA ĆE BITI DUBOKA I OŠTRA

Nakon apela privrednika na vlasti u BiH da poduzmu konkretne mjere kako bi se ublažile teške posljedice po našu ekonomiju nakon pojave pandemije koronavirusa, reagirale su entitetske vlade • Između ostalog, Vlada FBiH će uspostaviti garantni fond, a bit će osiguran moratorij na plaćanje kreditnih obaveza korisnicima čije je poslovanje ugroženo zbog širenja koronavirusa • Jedna od mjera Vlade RS je i uvođenje moratorija na otplatu kredita Investiciono-razvojne banke u trajanju od tri mjeseca za privredne subjekte u RS

Piše: Ruždija ADŽOVIĆ

Svjetska ekonomija poharana je pandemijom koronavirusa i zadugo će se osjećati posljedice ovog najnovijeg globalnog problema. Sasvim je izvjesno da će pandemija koronavirusa teško pogoditi i bh. ekonomiju koja je posebno ranjiva jer je izrazito izvozno orijentirana.

U vezi s novonastalom situacijom, Vanjskotrgovinska komora (VTK) BiH je apelirala na sve nadležne institucije da se što hitnije uspostave tzv. krizni štabovi koji bi se fokusirali na probleme s kojima se suočavaju privrednici u BiH, a koji zahtijevaju koordinirane i efikasne mjere. IZ VTK su upozorili da su dosadašnji krizni štabovi individualni i nekoordinirani te da

malo ili nikako uključuju eksperte iz privrede.

Vanjskotrgovinska komora BiH, kako je naglašeno, raspolaže informacijama da kompanije koje su angažirane na poslovima vanjskotrgovinskog prometa roba i usluga imaju višestruke izazove pred sobom: vrlo otežan lanac snabdijevanja, ugrožen izvoz, a samim tim i likvidnost u vezi s naplatom od



Agencija za bankarstvo: Bankarski sektor u FBiH visoko likvidan i kapitaliziran

Agencija za bankarstvo FBiH saopštila je da je bankarski sektor u FBiH visoko likvidan i kapitaliziran, te da je sigurnost bankarskog sektora na iznimno visokom nivou.

„Propisi u domenu likvidnosti i kapitala u FBiH su konzervativni i oprezniji u poređenju sa propisima u zemljama regiona i EU. Dosadašnji pristup Agencije i banaka je uključivao planiranje i testiranje otpornosti sistema na različite poremećaje i okolnosti sa kojima se danas suočavamo,“ saopćeno je iz Agencije za bankarstvo Federacije BiH.

Učešće novčanih sredstava u ukupnoj imovini bankarskog sektora na dan 16. marta 2020. godine je veća od 30 posto,

što daje značajan prostor bankama u FBiH da na zadovoljavajući način upravljaju likvidnošću u dužem vremenskom periodu.

„Istovremeno, stopa adekvatnosti kapitala bankarskog sektora iznosi 18 posto, što je za 50 posto više u odnosu na zakonom propisani minimum. Visoka kapitaliziranost bankarskog sistema daje mogućnost za apsorpciju višeg nivoa rizika kojem bi banke mogle biti izložene u kriznim uslovima i osigurava ključne pretpostavke za kontinuitet poslovanja banaka“, kaže se u saopćenju.

inozemnih partnera, te je u pojedinim sektorima proizvodnja već počela da se svodi na minimum.

INDIKATIVNI PODACI

- Prateći dosadašnja iskustva zemalja u okruženju koje su pogođene COVID-19, a koje se većim dijelom sastoje od zdravstvene zaštite uposlenika, uspostavi sistema direktnog izvještavanja kontakata ili kriznih štabova o problemima nastalih u njihovom poslovanju i na terenu, stabiliziranja lanaca snabdijevanja po modelu osiguravanja koridora za tranzit i transport roba u vezi sa snabdijevanjem repromaterijalima, kao i izvoz već naručenih roba, odnos bankarskog sektora prema privrednicima u BiH, u smislu suspendiranja rata kredita, produženja rokova otplate kredita, rokova plaćanja dugova, te izrade mjera pogodnijih kreditnih linija za privrednike pogođene ovom krizom, odnos domaćeg institucionalnog finansijskog sektora, kako bi se hitno donijele mjere za ublažavanje posljedica nastalih u poslovanju kompanija u vanjskotrgovinskom prometu, kao što su: odgođeno plaćanje kredita, poreza, doprinosa, PDV i akciza i slične mjere. Uzimajući u obzir ozbiljnost situacije u BiH i na globalnom nivou, kao medicinsko-zdravstveni problem s enormnim posljedicama na privredu, finansijsku stabilnost i održivost institucija u BiH, kao i neizvjesnost trajanja istih, Komora moli da se inicijativa primi kao apel

svih privrednika u BiH, poručeno je iz VTK.

Vanjskotrgovinska komora objavila je i nekoliko indikativnih podataka koji pokazuju koji su sektori posebno osjetljivi. Naime, ova institucija je, uz napomenu da je Italija četvrti po važnosti vanjskotrgovinski partner BiH, u prva dva mjeseca ove godine na italijansko tržište BiH izvezla robe u vrijednosti od 173 miliona KM, što pokazuje pad izvoza od 38,67 miliona KM ili 18,26% u odnosu na isti period prethodne godine. Na drugoj strani, pao je i uvoz iz Italije: u prva dva mjeseca uvoz je iznosio 228 miliona KM, što je manje za 18,67 miliona KM ili 6% u odnosu na isti period 2019. godine.

Odbor Grupacije turizma i ugostiteljstva pri VTK upozorio je da će turistička sezona u zemlji biti loša. To je bilo jasno već na samom početku epidemije, odnosno pandemije koronavirusa kada su počela masovna otkazivanja turista iz veoma bitnih tržišta, kao što su Kina, Južna Koreja, Japan, Francuska, Njemačka, Italija, Slovenija i Hrvatska. S tim u vezi je i podatak o smanjenju broja putnika na Sarajevskom aerodromu, što se dešava prvi put u posljednjih deset godina. Zbog pandemije virusa, primjera radi, letove za Sarajevo otkazala je Lufthansa u periodu od 29. marta do 24. aprila. Prethodno je grčki Aegan Airlines otkazao letove Athena-Sarajevo, a FlyBosnia je isto učinila sa letovima za Rim. Konačno, 30. marta ovaj aerodrom je potpuno zatvoren za sve putničke avio linije.

Brojne grane privrede pogođene su zbog koronavirusa i sankcija na graničnim prijelazima, a u veoma teškoj situaciji je peradarstvo koje nije imalo hranu za perad koju uvozi iz Srbije, a osim toga otežan je i izvoz u zemlje Evropske unije. Proizvodnja pilećih proizvoda u BiH bila je pod velikim upitnikom i pred samim gašenjem zbog vanrednog stanja koje je Srbija uvela zbog čega je zatvorila sve granice, a samim tim i uvoz hrane za perad je bio obustavljen. Situacija je danas bolja, kaže izvršni direktor kompanije „Madi“ i predsjednik Koordinacije Udruženja peradara-živinara u BiH **Edin Jabandžić**. Dodao je kako niko sa državnih nivoa nije razgovarao s proizvođačima pilećih proizvoda vezano za aktuelnu situaciju i o načinima pomoći kako bi se što lakše prebrodila kriza u kojoj se država nalazi.

Lanac snabdijevanja roba ključan je kod ublažavanja posljedica pandemije koronavirusa na ekonomiju, jedan je od zaključaka sastanka kojeg je organizirao ministar vanjske trgovine i ekonomskih odnosa BiH **Staša Košarac** sa predstavnicima komora i udruženja poslodavaca entiteta i Distrikta Brčko. Košarac je poslije sastanka kazao kako sva privredna društva koja imaju problema sa saobraćajem, uključujući transport roba, moraju informisati VTK BiH preko entitetskih komora.

- Na osnovu anketa s 250 preduzeća, najveće posljedice imaju firme prerađivačke djelatnosti, firme koje se bave prijevozom i turističke kompanije - kazao je Košarac.

Vjekoslav Vuković, predsjednik VTK BiH, kazao je kako je naš poslovni sektor opterećen manjkom vozača, radne snage, jer ona ostaje u izolaciji, a i pojedini ne žele kretati jer nisu sigurni da li mogu proći sve restrikcije koje naiđu na putu.

VAPAJI PRIVREDNIKA

U novonastalim okolnostima, krenuli su vapaji poslovne zajednice u BiH. Tako je, između ostalih, predsjednik Udruženja poslodavaca FBiH **Adnan Smailbegović** naglasio da će svi nivoi vlasti u BiH morati pružiti podršku privredi.

- **Kompanije već trpe značajne posljedice. Neke već imaju gubitke. Potrebno je formirati krizni štab za privredu, očekujemo da se formira kompenzacioni fond koji bi trebao ublažiti posljedice. Ugrožena su postojeća radna mjesta** - upozorio je on.

Dodao je da manje-više sve države u regionu imaju konkretne mjere pomoći privredi.

- **U turizmu je samo pet posto popunjenost kapaciteta, zaustavljen je prijevoz putnika i roba. Zbog Italije**

ispašta industrija obuće, kompanije su već počele otpuštati radnike. Mnogo naših firmi u tekstilnoj industriji već upada u probleme. Najmanje dvije trećine repromaterijala dolazi iz Kine, a tamo je sve stalo. Crpe se posljednje zalihe. Takođe, i proizvodnja namještaja je na udaru. U situaciji kada počinje vladati panika, nikome nije do namještaja. Manje su kupuje, Evropa ima važnijeg posla. Niko neće kupovati sećije već se okreće životnim namirnicama. I u autoindustriji se suočavaju sa velikim teškoćama. I u ovoj grani mnogo komponenti dolazi iz Kine. Ako nemate sve dijelove, proizvodnja će stati. Čekat će se da se kompletiraju svi dijelovi, a zbog toga firme trpe. Ako se Kina uspije izboriti s koronavirusom i njihova ekonomija bude ponovo u četvrtoj, petoj brzini, neće biti većih problema. Ukoliko potraje kriza, imat ćemo ogromne gubitke - kazao je Smailbegović i poručio da država treba subvencionirati plaće i doprinose, a da banke trebaju izaći ususret i obustaviti naplatu kredita kompanijama i radnicima.

Smailbegović je naglasio da ukoliko se pravovremeno ne reaguje, posljedice će osjetiti svi – privreda u prvom redu, ali i zaposleni, građani, budžetski korisnici.

Udruženje turističkih vodiča Sarajeva ističe da je u posljednja dva mjeseca broj rezervacija i dolazaka u našu zemlju u drastičnom padu, te da su gubici ogromni i zahtijevaju hitne intervencije nadležnih institucija i države. Tvrde da je većina subjekata primorana da smanji broj radnika i uvede ostale mjere preživljavanja krize. Upravo zbog toga su od državnih, federalnih i kantonalnih vlasti zatražili: donošenje interventnih mjera sufinansiranja postotka plate, pokrivanje troškova PIO/MIO, oslobađanje određenih troškova i taksi, potpuno oslobađanje troškova zapošljavanja mjesečnih najamnina za poslovne prostore, razmatranje potrebe rebalansa budžeta koji je planiran za poticaj i sufinansiranje projekata turističkih djelatnika ze sve ostale mjere koje turizmu mogu pomoći u narednom, veoma teškom periodu.

Najbogatije države pripremaju skupe mjere

Predsjednica Evropske komisije **Ursula von der Leyen** je izjavila da se Evropa nalazi u možda najvećoj ekonomskoj krizi u svojoj historiji.

- **Trenutno je važno da se ova ekonomska kriza preživi i da se Evropa ne uruši**, rekla je Von der Leyen.

Najmoćnije svjetske privrede uvode programe podsticaja u stotinama i hiljadama milijardi dolara kako bi pomogle svojim građanima i kompanijama izloženim ekonomskim posljedicama pandemije koronavirusa, dok tržišta bilježe ogromne gubitke usljed ograničenja koja su omela normalan život i zaprijetila recesijom, prenose svjetski mediji.

Administracija predsjednika SAD **Donalda Trumpa** predložila je upumpavanje hiljadu milijardi dolara u tržište najveće svjetske privrede. Velika Britanija najavila je paket pomoći od 330 milijardi funti (400 milijardi američkih dolara) za kompanije kojima prijeti kolaps.

Francuska će upumpati 45 milijardi eura kao kriznu mjeru u svoju privredu da pomogne kompanijama i radnicima, dok se očekuje smanjenje BDP-a od jedan posto ove godine.

Međutim, i s obećanom velikom potrošnjom, svjetska tržišta i cijene nafte nisu u stanju da se oslobode noćne more koronavirusa, pa je na Wall Streetu zabilježen najveći pad od kraha berze na "Crni ponedjeljak" 1987., navodi Reuters, dodajući da ekonomisti kažu da je na vidiku globalna recesija upore-

diva s finansijskom krizom 2008, mada mnogi predviđaju brzi oporavak kada pandemija bude gotova.

Vlade i centralne banke uvode vanredne mjere i ubrizgavaju zapanjujuće sume u globalnu ekonomiju kako je pandemija koronavirusom poremetila normalan život, ali su tržišta poklekla jer se svijet suočava s najvećom krizom od 2008. i zasad se opiru naporima da se vrati stabilnost dok se zaraza širi Zapadom, ukazuje agencija France Press.

Međunarodni monetarni fond (MMF) je omogućio 50 milijardi dolara za pomoć siromašnijim zemljama, ali je pozvao na "globalni odgovor". Međutim, za razliku od 2008. poslovni svijet uzalud čeka na zajednički plan potrošnje najmoćnijih privreda, navodi AFP, dodajući da su lideri G7 obećali da će koordinirati napore i uraditi sve što treba da zaštite rast, ali nisu ponudili konkretan plan delovanja.

Evropska centralna banka (ECB) najavila je pokretanje novog proširenog programa za otkup obveznica u iznosu od 750 milijardi eura do kraja godine kako bi smirila tržišta uznemirena pandemijom, navodi Associated Press. Cilj otkupa obveznica država i iz privatnog sektora je da smanji troškove pozajmljivanja, objašnjava AP i ukazuje da su porasli troškovi pozajmljivanja prezadužene Italije, kao i da se eurozona suočava s drastičnim ekonomskim padom, pošto su mnogi poslovi zatvoreni.



I Privredna komora RS tražila je od nadležnih na svim nivoima da što prije usvoje mjere kojima bi se spriječile najteže posljedice zbog koronavirusa. Između ostalog, komora je tražila od države odgodu plaćanja poreskih obaveza, a od banaka prolongiranje otplate rata kredita za oštećena preduzeća, što su neke zemlje u Evropi već učinile.

Najveći udar trpe izvozno orijentisane kompanije čije je poslovanje usmjereno prema Italiji, a koja je žarište ove zaraze u Evropi. Koliko je Italija važan vanjskotrgovinski partner za RS najbolje pokazuje obim vanjskotrgovinske razmjene u 2019. godini a koji je iznosio 1,3 milijarde maraka. Od te sume 568 miliona KM se odnosi na izvoz uglavnom obuće i ogrjevnog drveta, dok je vrijednost uvoza 713 miliona KM od čega najviše u kategoriji nafte i naftnih ulja.

Inače, komora je na adrese privrednih društava u RS uputila anketu nakon koje će biti urađena analiza na osnovu koje je nadležnima upućen zahtjev za pomoć sa konkretnim prijedlozima.

- Koronavirus će prijevoznike baciti na koljena, a štete koje se još ne mogu do kraja sagledati, bit će veoma velike. Ukoliko izostane pomoć nadležnih, neće sami moći izaći iz novonastale situacije, jer obaveze stižu na naplatu, a pitanje je kako će ih izmiriti ako ne rade - ocijenio je predsjednik Udruženja prijevoznika za unutrašnji i međunarodni transport RS Nikola Grbić.

Ekonomista **Faruk Hadžić** upozorio je da je najbitnije očuvati privrednu aktivnost.

- Kriza će biti duboka i oštra, ali teško može bilo ko u ovom trenutku procijeniti koliko će dugo trajati, jer vlada strah i neizvjesnost. Vlade, uključujući i naše, mogu djelimično vratiti povjerenje kroz paket ekonomskih mjera. Vlade trebaju donijeti hitne pakete ekonomskih mjera kako bi se ublažili negativni efekti – naglasio je Hadžić.

Ovu godinu, upozorio je on, može obilježiti kombinacija političke nestabilnosti, nastavka iseljavanja, pada industrijske proizvodnje, izvoza, turističkih posjeta i potrošnje na nivou ekonomije te porasta broja penzionera, što će biti ozbiljan pritisak na budžete svih nivoa vlasti.

Naglašava kako rješenje vidi u hitnom usvajanju paketa ekonomskih reformi koje će smanjiti poreska opterećenja privrede i građana, prije svega nižih stopa doprinosa i poreza na dohodak, kako bi se smanjio pritisak na preduzeća, ali i povećale plate radnika, a time i stimulisala potrošnja.

- Takođe je potrebno izmijeniti krute zakone vezane za naplatu poreza, jer mnoga preduzeća neće biti u prilici, zbog kašnjenja u plaćanjima, na vrijeme servisirati svoje obaveze prema državi. U tom kontekstu trebalo bi razmisliti o pomjeranju naplate PDV-a do kraja mjeseca i smanjivanju jedinstvene stope na 15%. Izvozna preduzeća treba osloboditi naplate poreza na dobit, kao još jedne od mjera za pomoć zbog pada prihoda. U konačnici, možda najbitnije jeste da političari vrate optimizam i nadu uz ekonomske mjere koje

će stimulisati potražnju na nivou ekonomije. Bilo kakvo povećavanje poreza ili uvođenje novih nameta je apsolutno neprihvatljivo i može samo dodatno naštetiti našoj ekonomiji - zaključio je Hadžić.

ODGOVOR VLASTI

Nakon apela privrednika reagirale su entitetske vlade. Pred zaključenje ovoj broja našeg magazina, Vlada Federacije BiH je usvojila informaciju o Programu aktivnosti Vlade FBiH za stabilizaciju privrede i saniranje posljedica pandemije koronavirusa. Kako je saopšteno, ciljevi ovih aktivnosti su očuvanje radnih mjesta, pojačana zaštita u slučaju gubitka posla, očuvanje stabilnosti PIO i očuvanje stabilnosti bankarskog sektora.

Jedna od mjera je uspostava Koordinacionog odbora za stabilizaciju privrede i saniranje posljedica pandemije koronavirusa, što je urađeno na osnovu zaključka Ekonomsko-socijalnog vijeća za teritoriju FBiH. Koordinacioni odbor čine resorni federalni ministri, na čelu s federalnom ministricom **Editom Đapo**. U njegov rad bit će uključeni predstavnici poslodavaca i sindikata, te eksperti, a, po potrebi, predstavnici kantonalnih vlada.

Predviđena je uspostava posebnog fonda za stabilizaciju privrede s ciljem podrške kompanija-izvoznica koje se zbog posljedica širenja koronavirusa na izvoznim tržištima suočavaju s problemima u poslovanju. Pored toga, ovaj fond podržao bi kompanije iz ostalih sektora, posebno transporta i turizma, te ostalih. Sredstva za finansiranje fonda bila bi osigurana iz više domaćih i stranih izvora. Vlada je uputila poziv kantonalnim vladama i općinskim administracijama da doprinesu ovom fondu iz kojeg bi bila distribuirana sredstva prema zajednički utvrđenim kriterijima u okviru Koordinacionog odbora.

Bit će, kako je saopšteno iz Vlade FBiH, uspostavljen garantni fond s ciljem održavanja i poboljšanja likvidnosti kompanija za koje se uspostavi da im je poslovanje ugroženo zbog širenja koronavirusa. Sredstva ovog fonda uglavnom će činiti komisiona sredstva Vlade FBiH kod Razvojne banke FBiH. Po potrebi,

MMF: BiH na raspolaganju 165 miliona eura posebnog kredita zbog pandemije

Rezidentni predstavnik Međunarodnog monetarnog fonda (MMF) u BiH **Andrew Jewell** upoznao je predsjedavajućeg Vijeća ministara **Zorana Tegeltiju** da je MMF, zbog proglašenja globalne pandemije virusa korona, za sve zemlje članice stavio na raspolaganje iznos od 50 milijardi dolara, a za BiH oko 165 miliona eura. Riječ je o sredstvima putem posebne kreditne linije koja se odobrava u slučajevima vanrednih ili posebnih okolnosti, a kakve su trenutno proglašene u BiH.

U skladu sa tim, zemljama članicama MMF-a u vanrednim ili posebnim situacijama odobravaju se sredstva do iznosa 50 posto od uplaćene kvote, prema čemu bi BiH na raspolaganje bilo stavljeno oko 165 miliona eura. S obzirom da se radi o posebnoj kreditnoj liniji, u ovim slučajevima primjenjuje se ubrzana procedura realizacije pomenutog aranžmana, te se očekuje da nakon završetka svih procedura sredstva odobrena BiH mogu biti operativna u maju ove godine.

dodatna sredstva bi mogla biti osigurana od strane Vlade FBiH, ali i međunarodnih multilateralnih i bilateralnih kreditora/donatora. Garancije bi se plasirale putem komercijalnih banaka na osnovu odgovarajućih ugovornih aranžmana sa Razvojnomo bankom FBiH.

- Cilj uvođenja moratorija na otplatu kredita je uspostava okvira za restrukturiranje kreditnih aranžmana fizičkih i pravnih osoba kod kojih bude utvrđeno da su nastupile otežavajuće okolnosti za servisiranje kredita usljed širenja koronavirusa. Uzimajući u obzir važeći zakonski okvir o nezavisnosti Agencije za bankarstvo FBiH, Vlada će zatražiti od ove institucije kao i nadležnih državnih tijela da donesu regulatorne mjere za osiguranje moratorija na otplatu i restrukturiranje kreditnih aranžmana. Pored ovoga, bit će osiguran moratorij na plaćanje kreditnih obaveza korisnicima (čije je poslovanje ugroženo zbog širenja koronavirusa) tzv. trajnog revolving fonda kod onih banaka koji ga administrijuju.

Vlada FBiH će zadužiti Razvojni banku FBiH da, u saradnji s resornim ministarstvima, pripremi prijedlog odluke o uspostavljanju kreditne linije za poboljšanje likvidnosti kompanija za koje se utvrdi da je poslovanje ugroženo širenjem koronavirusa, saopšteno je iz Vlade FBiH.

Nešto ranije, Vlada RS imenovala je krizni Štab za praćenje stanja u privredi RS. Na čelu tog Štaba je predsjednik Vlade RS **Radovan Višković**. Sačinjen je i prijedlog mjera za ublažavanje štetnih posljedica virusa korona na privredne subjekte u manjem bh. entitetu. Predložene

su sljedeće mjere: odgoda plaćanja poreza na dobit i svih obaveza po završnom računu za 2019. godinu do 30.06.2020. godine; obaveze će biti isplaćene u ratama do kraja 2020. godine; hitna isplata povrata poreza i doprinosa za povećanje plata u 2019. godini, isplata počela 16. marta 2020. godine.

Najavljen je sastanak sa svim predstavnicima banaka u RS u Vladi RS u cilju obezbjeđenja grejs perioda za kreditna zaduženja privrednih subjekata. Osim toga, smanjenje parafiskalnih nameta u završnoj fazi bit će realizirano u aprilu 2020. godine. Kod najugroženijih privrednih subjekata koji rade sa zemljama koje su najteže pogođene virusom korona, vršiće se analiza stanja pojedinačno. Jedna od mjera Vlade RS je i uvođenje moratorija na otplatu kredita Investiciono-razvojne banke u trajanju od tri mjeseca za privredne subjekte u RS.

U Štab za praćenje štetnih posljedica virusa korona na stanje u privredi RS imenovani su ministri: ministar finansija **Zora Vidović**, ministar za prostorno uređenje, građevinarstvo i ekologiju **Srebranka Golić**, ministar energetike i rudarstva **Petar Đokić**, ministar privrede i preduzetništva **Vjekoslav Petričević**, ministar saobraćaja i veza **Đorđe Popović** i ministar trgovine i turizma **Suzana Gašić**.

Privredna komora RS (PKRS) je nakon ovoga, a pred zaključenje našeg magazina, uputila dopis predsjedniku Vlade RS Radovanu Viškoviću u kojem je naglašeno nekoliko bitnih pitanja koja se moraju hitno rješavati i mjere koje se moraju u najkraćem mogućem roku definisati, u cilju ublažavanja posljedica uticaja virusa korona na privredu RS.

Zatraženo je formiranje fonda za podršku privredi i oporavku od negativnih posljedica uticaja virusa korona, hitno rješavanje statusa zaposlenih u privrednim društvima kojima je zabranjen rad i privrednim društvima koja rade na minimumu poslovnog procesa, oslobađanje od plaćanja poreza i doprinosa zbog okolnosti u kojima privreda ne radi ili radi na minimumu poslovnog procesa, reprogramiranje obaveza po osnovu kredita u komercijalnim bankama svim privrednim subjektima suočenim sa problemima izazvanim virusom korona.

Zatraženo je da sve odluke/zaključci/naredbe Vlade RS i drugih nadležnih organa, koje se odnose na regulisanje stanja u uslovima vanredne situacije i/ili donesene na osnovu prijedloga Kriznog štaba moraju odmah biti objavljene na internet stranici Vlade RS i u Službenom glasniku RS kako bi se izbjegle netačne i neprovjerene informacije. Privrednici traže i stvaranje uslova za orijentisanje domaćih proizvodnih kapaciteta u proizvodnju zaštitnih sredstava (maski, odijela, rukavica) i sredstava za dezinfekciju.

O ozbiljnosti krize nastale pojavom pandemije koronavirusa govore i procjene Međunarodne organizacije rada da bi epidemija koronavirusa mogla da pokrene svjetsku ekonomsku krizu i dovede do gubitka posla 25 miliona zaposlenih. Ta agencija Ujedinjenih nacija, sa sjedištem u Ženevi, saopstila je da bi „međunarodno koordinirani odgovor“ mogao da pomogne u ublažavanju zaštitom radnika od gubitka posla, fiskalnim podsticajima i podrškom za radna mjesta i plate. Naravno, od ovog scenarija nije pošteđena ni BiH. ■

Dnevni list

Država: Bosna i Hercegovina

Doseg:

Stranica: 3

Površina: 15 cm²



03.04.2020

petak

Indeks

1 / 1

BRČKO, (FENA) - Na području **Brčko** distrikta BiH pod zdravstvenim nadzorom do jučer u 14.30 sati nalazilo se 1213 osoba, priopćeno je iz Odjela za zdravstvo i ostale usluge **Vlade Distrikta**. Do sada je na novi koronavirus testirano ukupno 98 osoba, sedam nalaza je pozitivno, 73 negativno, a rezultati se čekaju za preostalih osamnaest.



Humanost inovatora i preduzetnika iz Brčko distrikta

MASKE I VIZIRI OTELI POSAO ROBOTSKEJ RUCI



U nastojanju da pomognu u borbi protiv epidemije virusa korona sve veći broj firmi, preduzetnika i pojedinca u Brčko distriktu preusmerio je poslednjih dana svoje poslove na proizvodnju zaštitnih maski i vizira.

CVLUETA KOVAČEVIĆ

Haris Salkić iz Brčkog, student Mašinskog fakulteta u Sarajevu umesto robotske ruke, čiji je prototip osmislio i koja da se koristi kao nastavno pomagalo u školama i tehničkim fakultetima, proizvodi vizir pomoću 3D štampača.

Dnevno proizvedem 25 vizira, a namenjeni su pre svega zdravstvenim radnicima u zdravstvenim ustanovama, bolnici u Brčkom, Bijeljini i domovima zdravlja u Brčkom, Čelincu i okolnim

mestima – rekao nam je Salkić. Kaže da na ovaj način želi pomoći zdravstvenim radnicima koji su izloženi najvećem riziku, a među kojima je i njegova majka, koja radi u službi hitne pomoći.

Zajedno sa njim radi i njegov rođak Mirza Karahasanović, vlasnik Centra za fizikalnu terapiju i rehabilitaciju u Brčkom, a u proizvodnju zaštitnih vizira uključeni su, kako ističe, timovi njegovih kolega, ali i profesora i asistenta iz više gradova, Sarajeva, Tuzle, Zenice, Bihaća.

Reč je o maskama koje prekrivaju celo lice zdrav-

stvenog radnika i koje su izrađene od PLA plastike i PET-G providne folije. Model maske je preuzet od češke kompanije Prusa, koja ga je besplatno podelila celom svetu za nekomercijalnu upotrebu. Masku je odobrilo češko ministarstvo zdravstva, pa je reč je o testiranom i sigurnom modelu – pojašnjava Salkić. Kaže da foliju za vizir nabavlja u Bijeljini, kao i da ima dobavljače za druge

potrebne materijale. Doda je da će nastojati povećati proizvodnju vizira i da mu je veoma značajna podrška preduzetnika i privrednika podršku preduzetnika.

U proizvodnju zaštitnih višekratnih maski uključila se i jedna od fabrika za proizvodnju nameštaja koje maske deli građanima besplatno, a šije ih i Azra Osmić koja je u ovaj posao uključila celu porodicu.

INOVACIJA STUDENTA MAŠINSTVA

Haris Salkić osmislio je prototip robotske ruke i prvi je pobednik takmičenja u poslovnim idejama Sarajevskog biznis foruma. Njegovu ideju o proizvodnji robotskih ruku, koje se koriste u edukativne svrhe u školama i na fakultetima, podržao je Institut za razvoj mladih Kult i Ambasade Kraljevine Švedske u BiH, što je ovom mladom Brčaku omogućilo da osnuje vlastitu kompaniju HAS Robotics u kojoj sada proizvodi zaštitne vizire.

Nekada sam radila kao krojačica, sada sam bez posla i želela sam da pomognem na ovaj način. Muž kroji, ja šijem, a sin koji je nastavnik matematike bez posla ih raznosi – kaže Osmićeva. Maske je donirala zdravstvenim ustanovama u Brčko distriktu, staračkim domovima, policiji, marketima. Poklanja ih i bolesnima koji joj se jave preko društvenih mreža, a nedavno je maske poslala i devojkici iz Bosanske Krpe. Osmićeva kaže da zaštitne maske šije i za prodaju po simboličnoj ceni koja može da pokrije troškove materijala potrebnog za njihovo šivanje.

Imala sam u početku materijal koji sam pripremila za posteljину i to sam potrošila već prvih dana, a sada ga kupujem i dopremaju mi ga brzom poštom – kaže Osmićeva. ■



BRČKO Blokiran zaselak jer su mještani bili u kontaktu sa zaraženim

BRČKO - Brčanska policija blokirala je u srijedu uveče gornji dio zaseoka Peškiri, kod sela Gornji Zovik, zbog potvrđene sumnje da su mještani bili u kontaktu sa osobom zaraženom virusom korona, saopšteno je iz Policije **Brčko** distrikta.

Blokada i izolacija izvršene su u saradnji sa Odjeljenjem za javnu bezbjednost

Vlade **distrikta** i brčanskim Crvenim krstom radi sprečavanja širenja virusa među mještanima Peškira, sela Gornji Zovik, te Velinog Sela u opštini Čelić.

Naredbu je donio komandant Kriznog štaba Siniša Milić na prijedlog šefova policije i Pododjeljenja za javno zdravlje, a na osnovu zakonskih ovlaštenja koja se odnose na zaštitu i spasavanje ljudi i materijalnih dobara od prirodnih i drugih nesreća.

Policija **Brčko** distrikta poručila je da će zajedno sa nadležnim odjeljenjima Vlade i Crvenim krstom obezbijediti da se život stanovnika u blokadi odvija u skladu sa njihovim potrebama, navedeno je u saopštenju. (Sma)



PODACI IZ EVIDENCIJA ZAVODA I SLUŽBI ZA ZAPOSŁJAVANJE U BIH KRAJEM FEBRUARA BILO 402.888 NEZAPOSLENIH

SARAJEVO - Na evidencijama zavoda i službi zapošljavanja u Bosni i Hercegovini krajem februara bilo je 402.888 osoba.

Agencija za rad i zapošljavanje BiH objavila je da je u odnosu na prethodni mjesec broj nezaposlenih osoba manji za 3.279 osoba ili 0,81%. Od ukupnog broja osoba koje traže zaposlenje, 228.912 ili 56,82 odsto bile su žene. U odnosu na isti period prošle godine nezaposlenost u BiH bila je manja za 27.165 osoba ili 6,32%.

Nezaposlenost je bila smanjena u Federaciji BiH za 812 osoba (0,26%), u Republici Srpskoj za 2.280 osoba (2,55%) i u Brčko distriktu BiH za 187 osoba (2,71%).



U strukturi osoba koja traže zaposlenje, zaključno sa 29. februarom, NKV je bilo 111.069 osoba ili 27,56%, PKV-NSS 7.198 ili 1,79%, KV 127.550 ili 31,66%, VKV 1.593 ili 0,4%, SSS 114.220 ili 28,35%, VŠS 6.731 ili 1,67%, te VSS 34.527 osoba ili 8,57%.

Sa evidencija službi za zapošljavanje u februaru su brisano ukupno 17.303 osobe, od

čega je 8.565 žena. Od tog broja zaposlena je 8.981 osoba, od čega su 4.462 žene. Istovremeno je za 9.538 osoba prestao radni odnos, od čega su 4.290 bile žene. Poslodavci su u ovom periodu prijavili potrebe za zapošljavanjem 4.249 novih radnika.

Prema podacima Agencije za statistiku BiH, u januaru ove godine u BiH je bilo 833.909 zaposlenih osoba, a od toga su 361.352 žene. U odnosu na decembar 2019. godine, broj zaposlenih osoba povećao se za 0,4 odsto, a broj zaposlenih žena takođe se povećao i to za 0,5 odsto.

Stopa registrovane nezaposlenosti za januar 2020. godine iznosila je 32,7% i u odnosu na decembar 2019. godine povećala se za 0,1%. (Fena)



PODACI AGENCIJE ZA STATISTIKU

U BiH krajem februara 402.888 registrovanih nezaposlenih osoba

Na evidencijama zavoda i službi zapošljavanja u Bosni i Hercegovini (BiH) krajem februara ove godine bilo je 402.888 osoba. Agencija za rad i zapošljavanje BiH je objavila da je u odnosu na prethodni mjesec broj nezaposlenih osoba manji za 3.279 osoba ili 0,81 posto. Od ukupnog broja osoba koje traže zaposlenje, 228.912 ili 56,82 posto su žene. U odnosu na isti period prošle godine nezaposlenost u BiH je manja za 27.165 osoba ili 6,32 posto.

Nezaposlenost se smanjila u Federaciji BiH za 812 osoba (0,26 posto), u Republici Srpskoj

za 2.280 osobe (2,55 posto) i u Brčko Distriktu BiH za 187 osoba (2,71 posto).

U strukturi osoba koja traže zaposlenje, zaključno sa 29. februara NKV je bilo 111.069 osoba, PKV-NSS 7.198 ili 1,79 posto, KV 127.550 ili 31,66 posto, VKV 1.593 ili 0,4 posto, SSS 114.220 ili 28,35 posto, VŠS 6.731 ili 1,67 posto, te VSS 34.527 osoba ili 8,57 posto.

Sa evidencija službi zapošljavanja u februaru su brisane ukupno 17.303 osobe, od čega je 8.565 žena. Od tog broja zaposlena je 8.981 osoba, od čega su 4.462 žene.

Istovremeno je za 9.538 osoba prestao radni

odnos, od čega 4.290 žena. Poslodavci su u ovom periodu prijavili potrebe za zapošljavanjem 4.249 novih radnika.

Prema podacima Agencije za statistiku BiH, u januaru ove godine u BiH je bilo 833.909 zaposlenih osoba, a od toga su 361.352 žene. U odnosu na decembar 2019. godine broj zaposlenih osoba povećao se za 0,4 posto, a broj zaposlenih žena se također povećao i to za 0,5 posto.

Stopa registrovane nezaposlenosti za januar 2020. godine iznosila je 32,7 posto i u odnosu na decembar 2019. godine povećala se za 0,1 postotni poen.